



**KEMENTERIAN KEWANGAN DAN EKONOMI
NEGARA BRUNEI DARUSSALAM**

SIARAN AKHBAR

**SESI BUAL BICARA BERSAMA KOPERASI KALI KE-EMPAT BERTAJUK “KEPENTINGAN
PEMBAHAGIAN ZAKAT HARTA PERNIAGAAN DI DALAM KONTEKS KOPERASI”**

1. Sesi Bual Bicara Kali Ke-empat bertajuk “Kepentingan Pembahagian Zakat Harta Perniagaan di dalam Konteks Koperasi” yang dianjurkan oleh Unit Pembangunan Koperasi (UPK) telah berlangsung pada Hari Sabtu, 26 April 2025 di Bilik Serbaguna 2, Tingkat 3, *Island Block*, Bangunan Kementerian Kewangan dan Ekonomi (MOFE).
2. Seramai 70 orang peserta hadir ke sesi bual bicara tersebut yang mana terdiri daripada Ahli Lembaga Koperasi (ALK), pihak pengurusan koperasi dan ahli-ahli koperasi. Sesi bual bicara tersebut merupakan salah satu inisiatif UPK dalam usaha bagi menggalakkan koperasi-koperasi untuk mengongsikan pengetahuan asas yang boleh dikaitkan dengan koperasi yang berunsurkan keagamaan, keusahawanan, kewangan dan perniagaan koperasi. Antaralain, adalah diharapkan program ini akan dapat memberikan pencerahan dan pendekatan agar ianya dapat dipraktikkan dan diaplikasikan oleh koperasi-koperasi dalam pengurusan perniagaan.
3. Acara tersebut dimulakan dengan sesi taklimat yang disampaikan oleh tetamu undangan dari Jabatan Urusan Zakat, Waqaf dan Baitulmal, Kementerian Hal Ehwal Ugama dan seterusnya dilanjutkan dengan sesi bual bicara di antara peserta-peserta koperasi yang hadir dalam memberikan pendekatan terhadap hala tuju, dasar-dasar dan garis panduan yang berkaitan dengan pengurusan-pengurusan waris atau penama dan pengertian zakat harta perniagaan secara langsung.
4. Program sesi bual bicara diakhiri dengan ucapan ribuan terima kasih kepada penceramah undangan dari Jabatan Urusan Zakat, Waqaf dan Baitulmal serta peserta-peserta yang hadir. Seterusnya, diharapkan peserta-peserta akan dapat memanfaatkan dan menambahbaik cara pengurusan operasi perniagaan.

-TAMAT-

Disediakan oleh:

Unit Pembangunan Koperasi

Kementerian Kewangan dan Ekonomi

Emel: info.koperasi@mofe.gov.bn

Rujukan: KKW/UPK/PNT/09-KURSUS

Tarikh: 02 Zulkaedah 1446 / 30 April 2025